

**61** tryggða. Örorubætur greiðast í einu lagi, ef örorkan er metin 50% eða minni, annars 6. maí má greiða þær sem lífeyri.

39. gr.

Óheimilt er að framselja eða veðsetja bótakröfur samkvæmt lögum þessum, og ekki má leggja á þær löghald né gera í þeim fjárnám eða lögtak. Enginn skuldheimtumaður í dánarbúi eða þrotabúi hefur rétt til að skerða kröfurnar á nokkurn hátt.

40. gr.

Eigi hinn tryggði eða bú hans skaðabótarétt gegn þriðja aðila út af atviki því, er olli greiðsluskyldu félagsins, öðlast félagið þann bótarétt, er það greiðir bæturnar, að því leyti sem með þarf, til þess að það verði skaðlaust.

## X. KAFLI

### Niðurlagsákvæði.

41. gr.

Brot á reglugerð þessari varða sektum allt að 100000 krónum, og skal farið með mál út af brotum á henni sem almenn lögreglumál.

Reglugerð þessi staðfestist hér með samkvæmt lögum nr. 106 30. des. 1943 til að öðlast gildi þegar í stað.

Jafnframt er felld úr gildi reglugerð nr. 33 12. marz 1941.

*Félagsmálaráðuneytið, 6. maí 1944.*

**Björn Þórðarson.**

*Vígfús Einarsson.*

**62** Staðfesting ríkisstjóra á skipulagsskrá fyrir „Minningarsjóð frá Önnu Ingvars- 9. maí dóttur“, útgefin á venjulegan hátt að mandatum af dómsmálaráðherra 9. maí 1944. Skipulagsskráin er þannig:

## SKIPULAGSSKRÁ

fyrir Minningarsjóð frú Önnu Ingvarsdóttur.

1. gr.

Sjóðurinn heitir: Minningarsjóður frú Önnu Ingvarsdóttur.

2. gr.

Sunnukórinn á Ísafirði stofnaði sjóðinn með 1000 króna gjöf samkv. gjafa-bréfi dags. 2. des. 1943. En þann dag, og af og til síðan, hafa honum horizt margar gjafir, og í dag, á fertugasta og fjórða afmælisdegi Önnu, er hann orðinn 7200 kr.

3. gr.

Tilgangur sjóðsins er:

1. Að styðja til söngs- eða tónlistarnáms, með styrkveitingum eða lánum, efni-lega nemendur í þeim greinum.
2. Að styrkja til starfs í bænum söngstjóra, kirkjuorganista, söngkennara eða aðra þá, er starfa að söng eða tónlist bæjarbúum til uppbyggingar. Allt eftir nánari ákvörðun stjórnar sjóðsins.

## 4. gr.

62

9. maí

Stjórn sjóðsins skal skipuð 5 mönnum, kosnum þannig: Sunnukórinn kýs formann og þrjá meðstjórnendur, en sóknarnefnd Ísafjarðarkirkju kýs fjórða meðstjórnandann. Á sama hátt skal kjósa 5 varamenn, og sé tiltekið, hver sé varamaður hvers aðalmanns. Kjörtímabilið er til 65 ára aldurs, nema stjórnarmeðlimur óski að víkja sæti fyrr, eða flytji lögheimili sitt frá Ísafirði. Þegar aðalmaður fer úr stjórninni, hvort sem er vegna dauðsfalls eða af öðrum ástæðum, tekur varamaður hans sæti sem aðalmaður. Nú losnar sæti varamanns, af þessum eða öðrum ástæðum, og skal þá stjórn sjóðsins þegar í stað kjósa varamann í hans stað.

## 5. gr.

Stjórn sjóðsins skal hafa löggilta gerðabók, og færa í hana allt, sem henni þykir máli skipta, þar á meðal kosningar í stjórnina, og sé þar greinilega tekið fram, fyrir hvern aðalmann hver varamaður sé. Einnig skal færa í gerðabókina niðurstöður ársreikninga þannig, að gerðabókin sé um leið efnahagsbók.

## 6. gr.

Reikningsár sjóðsins er almanaksárið. Skal stjórnin ávallt hafa samið ársreikninga eigi síðar en 15. marz. Leita skal stjórnin til sóknarprestsins á Ísafirði og bæjarstjóra Ísafjarðarkaupstaðar um endurskoðun reikninga. Standi svo á að þeir eigi sæti í stjórninni, skal hún leita til endurskoðenda bæjarreikninganna, eða löggilds endurskoðanda, ef hann er til í bænum. Skal endurskoðun lokið fyrir 31. marz. Afrit af ársreikningum sjóðsins skal sent Sunnukórnum.

## 7. gr.

Þann 8. apríl skal stjórnin koma saman, til að ræða um hag sjóðsins, og til hugleiðinga um fjáröflun, honum til styrktar. Skal einnig á þessum fundi taka til athugunar hversu miklum styrk sé hægt að úthluta, sbr. 8. gr. Skal ákvörðun um úthlutun gerð kunn með auglýsingu í blaði, eða á þann hátt, sem venja er að birta auglýsingar, er almenning varða.

## 8. gr.

Þegar sjóðurinn er orðinn 25 þúsund krónur má úthluta helming tekna hans öðrum en vöxtum. Þegar hann er 50 þúsund má úthluta öllum tekjum hans öðrum en vöxtum. Þegar hann er 75 þúsund, má auk þess veita helming vaxta, og þegar hann er orðinn 100 þúsund, má úthluta öllum tekjum sjóðsins, nema  $\frac{1}{4}$  vaxta, sem ávallt skal leggja við höfuðstól, unz hann er orðinn 200 þúsund krónur, en þá má úthluta öllum tekjum sjóðsins.

## 9. gr.

Sjóðinn skal ávaxta á þann hátt, að kaupa fyrir fé hans bankavaxtabréf veðdeildar Landsbanka Íslands, hliðstæð verðbréf, tryggð með öruggu fasteignaveði, eða verðbréf með ríkisábyrgð. Peningar, sem kunna að liggja fyrir, skulu ávaxtaðir á tryggum stað, enda samþykki allir stjórnendur, hvernig peningar og aðrar eignir sjóðsins eru ávaxtaðar og varðveittar.

## 10. gr.

Leita skal staðfestingar ríkisstjóra á skipulagsskrá þessari og hún birt í B-deild Stjórnartíðindanna.

Ísafirði, 8. apríl 1944.

Jónas Tómasson.